



Broj: 12/08-23-13665-3/21

Zenica, 24.02.2022. godine

Na osnovu člana 69. stav (3) Zakona o javnim nabavkama ("Službeni glasnik BiH" broj:39/14), u otvorenom postupku javne nabavke radova broj: 1417-1-3-51-3-33/21 od 14.10.2021.godine, Kantonalna direkcija za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o otkazivanju postupka javne nabavke

I

Otkazuje se otvoreni postupak javne nabavke broj: 1417-1-3-51-3-33/21 od 14.10.2021.godine, a koji se odnosi na radove zimskog održavanja dionica regionalnih cesta na području Zeničko-dobojskog kantona za period od 15.11.2021. do 15.03.2022. godine a koji je podijeljen na lotove kako slijedi:

- LOT 1 - R 444 dionica Podlugovi-Breza-Vareš, ukupne dužine 26,50 km;
- LOT 2 - R 444 dionica Vareš-Podkamensko, ukupne dužine 24,00 km;
- LOT 3 - R 444a Vareš-Pogar-Ratanj-R 466, ukupne dužine 21,00 km.

II

Otvoreni postupak javne nabavke se otkazuje u skladu sa članom 69. stav (3) Zakona o javnim nabavkama BiH, odnosno zbog razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

III

Odluka će se u skladu sa članom 70. stav (6) Zakona o javnim nabavkama BiH objaviti na službenoj stranici ugovornog organa www.zdk.ba.

Obrazloženje

Kantonalna direkcija za ceste koja se nalazi u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona je Posebnom odlukom broj: 12/08-23-13665/21 od 07.10.2021. godine a u skladu sa članom 25. Zakona o javnim nabavkama BiH („Službeni glasnik BiH“ broj: 39/14) pokrenula otvoreni postupak nabavke radova zimskog održavanja dionica regionalnih cesta na području Zeničko-dobojskog kantona za period od 15.11.2021. do 15.03.2022. godine a koji je podijeljen na lotove kako slijedi:

- LOT 1 - R 444 dionica Podlugovi-Breza-Vareš, ukupne dužine 26,50 km;
- LOT 2 - R 444 dionica Vareš-Podkamensko, ukupne dužine 24,00 km;
- LOT 3 - R 444a Vareš-Pogar-Ratanj-R 466, ukupne dužine 21,00 km.

Dana 14.10.2021. godine na Portalu javnih nabavki objavljeno je Obavještenje o nabavci broj: 1417-1-3-51-3-33/21. Dana 27.10.2021. godine Ministarstvo za prostorno uređenje, promet i komunikacije i zaštitu okoline Zeničko-dobojskog kantona-Kantonalna direkcija za ceste je zaprimila Žalbu na Tendersku dokumentaciju koju je u skladu sa članom 100. stav (5) Zakona o javnim nabavkama BiH sa Izjašnjenjem na istu prosljedila Uredu za razmatranje žalbi BiH – Ured u Mostaru na dalje odlučivanje. U skladu sa članom 110. Zakona o javnim nabavkama BiH ugovorni organ je obustavio postupak do donošenja odluke Ureda za razmatranje žalbi BiH po izjavljenoj Žalbi i objavio ispravku Obavještenja o nabavci, broj: : 1417-1-3-51-8-34/21 od 29.10.2021. godine. Dana 02.12.2021. godine Ured za razmatranje žalbi BiH je donio Zaključek o obustavi žalbenog postupka zbog odustajanja Žalitelja od Žalbe. Ugovorni organ je potom izvršio ispravku Obavještenja o nabavci, broj: : 1417-1-3-51-8-42/21 od 08.12.2021. godine, te nastavio

postupak javne nabavke i produžio rok za prijem ponuda do dana 16.12.2021. godine do 12:00 sati i zakazao javno otvaranje ponuda dana 16.12.2021. godine u 13:00 sati.

Dana 13.12.2021. godine Ministarstvo za prostorno uređenje, promet i komunikacije i zaštitu okoline Zeničko-dobojskog kantona-Kantonalna direkcija za ceste je zaprimila Žalbu na Tendersku dokumentaciju, te je ugovorni organ ponovo obustavio postupak do donošenja odluke po izjavljenoj Žalbi i objavio ispravku Obavještenja o nabavci, broj: 1417-1-3-51-8-43/21 od 15.12.2021. godine.

Dana 17.12.2021. godine u skladu sa članom 100. st. (1) i (2) Zakona o javnim nabavkama ugovorni organ je Zaključkom odbacio Žalbu kao neblagovremenu. Dana 13.01.2022. godine od strane Ureda za razmatranje žalbi BiH ugovorni organ je obaviješten da je potencijalni ponuđač podnio Žalbu na Zaključak kojim je kao neblagovremena odbijena njegova Žalba na Tendersku dokumentaciju, a na koju je ugovorni organ u ostavljenom roku dostavio Izjašnjenje. Dana 09.02.2022. godine ugovorni organ je zaprimio Zaključak Ureda za razmatranje žalbi BiH kojim je kao neuredna odbačena predmetna Žalba.

Obzirom da je predmet postupka specifična javna nabavka radova zimskog održavanja dionica regionalnih cesta R444 i R444a podijeljenih u 3 LOT-a a za period od 15.11.2021. godine do 15.03.2022. godine (određeno Zakonom o cestama FBiH), a da je u nastavku postupka javne nabavke potrebno je izvršiti Ispravku Obavještenja o nabavci, izmijeniti Tendersku dokumentaciju u smislu rokova za preuzimanje TD, procijenjene vrijednosti nabavke i produžiti rok za prijem ponuda i utvrditi termin javnog otvaranja ponuda, pa potom izvršiti pregled prispjelih ponuda provesti aukciju za utvrđene LOT-ove te donijeti Odluke o izboru najpovoljnijeg ponuđača, koje bi po isteku roka za žalbu postale pravosnažne a ugovor sa izabranim izvođačima radova bi mogao biti potpisan tek po isteku roka od 15 dana računajući od dana kada su svi ponuđači obaviješteni o izboru najpovoljnije ponude, pa ugovorni organ cijeni da se predviđene aktivnosti izbora najpovoljnijeg ponuđača i potpisivanja ugovora sa izabranim izvođačima neće moći provesti do isteka roka 15.03.2022. godine, te nabavka postaje bespredmetna.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba.

Dostavljeno:

1 x www.zdk.ba

1 x a/a

Obradivač akta:
Elmedin Bašić

DIREKTOR
po ovlaštenju ministra

(Rasim Kovač)

Saglasan: **ARNEL ISAK, ministar**